

1. UVOD

U prvobitnom obliku odbojka je nastala 1895. godine u državi Masačusets (SAD). Nastajanje ove igre povezano je sa pedagoškim radom nastavnika i direktora Hollyok koledža Wiliama Morgana koji je ovu igru konstruisao za zabavu, razonodu i tjelesno vježbanje svojih studenata.



Slika 1. Wiliam G. Morgan (izvor: wikipedia 20.02.2015 10:00 h)

"Mintonete" kako ju je tada nazvao bila je igra koja je imala elemente iz handbala, tenisa i košarke.¹

Teren u sportskoj sali je bio podjeljen teniskom mrežom na dva jednaka dijela koja je bila podignuta na visinu od 6 stopa-1,98 m.

Igru su igrala dva tima sa neograničenim brojem igrača, oba pola, igralo se košarkaškom loptom i dozvoljeno je bilo vođenje, hvatanje i bacanje neograničen broj puta.

Alfred Holšted je nakon prve demonstracije predložio da se igri promjeni naziv i tada joj dao novo ime "Volley-ball".

1897. godine u službenom glasniku YMCA štampana su prva pravila i samim tim odbojka postaje dio programa za igru, prvenstveno omladine, što je bilo presudno za dalji razvoj odbojke.

Odbojka počinje svoje širenje, prvo u SAD, Kanadi (1900), Kubi (1905), Porto Riku (1909), Peru (1910), Urugvaju (1912), Brazilu i Meksiku (1917).

U Evropu odbojku donose 1917. godine Američki vojnici za vreme prvog svjetskog rata.



¹Bajrić, O., Bajrić, S., i Lolić, D., (2013): Odbojka u teoriji i praksi, str.11